

3

LITERÆ  
APOSTOLICÆ  
IN FORMA  
BREVIS  
SANCTISSIMI DOMINI NOSTRI  
BENEDICTI  
PAPÆ XIV.

Quibus confirmatur Decretum ab ipsomet Sanctissimo conditum super facultate Sacerdotibus tam Sæcularibus, quàm Regularibus in Regnis, & Dominiis tum Hispaniarum, tum Portugalliaë, necnon Algarbiorum concessa celebrandi tres Missas in die Commemorationis Omnium Fidelium Defunctorum ad utriusque Regis instantiam.

*ACCESSIT*

Facultas celebrandi tres Missas prædicto die Commemorationis Omnium Fidelium Defunctorum usque ad duas horas post meridiem,

AB EODEM SANCTISSIMO  
concessa.

LETTER  
 APPOSTOLICAE  
 IN FORMAM  
 BREVISS  
 SANCTISSIMI DOMINI NOSTRI  
 BENEDICTI  
 PAPAE XIV.

Quibus constantur Decretum ad hoc tenor tenor  
 illius constant super facultate concessa  
 tam facultatis quam Regularis in Regis  
 Sedominis tam Hispaniam tam Portugalliam  
 necnon Algidiorum concessis celebrant nec  
 Missis in die Commemorationis Omnium Sanctorum  
 huius Defunctorum ad cuius Regis tenor  
 tenor.

NCCSSIT

Facultas celebrandi tres Missis preside  
 Commemorationis Omnium Sanctorum Defunctorum  
 tenor huius ad hunc tenor tenor tenor

AB EODEM SANCTISSIMO  
 concessis

## BENEDICTUS

## PP. XIV.

AD PERPETUAM REI  
MEMORIAM.

QUOD expensis omnium rationum  
 momentis, & gravissimis suffragiis  
 virorum dignitate, pietate, ac sa-  
 pientia insignium concurrentibus  
 alias à Nobis decretum est, id, ut sol-  
 lemnioribus Apostolica auctoritatis  
 nostrae documentis confirmatum,  
 quemadmodum est hoc in more po-  
 situm, laudabilique Praedecessorum nostrorum Romano-  
 rum Pontificum instituto commendatum, majorem cum ob-  
 servantia debite executioni mandetur, novo Apostolica  
 confirmationis nostrae patrocinio communire exoptamus.  
 Sanè nuper edidimus Decretum tenoris sequentis: Bene-  
 dictus PP. XIV. Cum Nobis Charissimus in Christo Fi-  
 lius noster Ferdinandus VI. Hispaniarum Rex Catholicus  
 enixam, piamque petitionem exhiberi fecisset, ut quae dis-  
 ciplina viget in suo Aragoniae Regno; (cujus appellatione  
 tum ipsa Aragonia, tum etiam Valentiae, Cataloniae & Ma-  
 joricae Ditiones comprehenduntur) ut scilicet in die Com-  
 memorationis omnium Fidelium Defunctorum quilibet  
 Sacerdos Saecularis duas, Regularis autem tres Missas cele-  
 brare possit; eadem ad caetera quoque Regna & Dominia  
 eidem Ferdinando Regi subiecta auctoritate nostra exten-  
 deretur; cumque eodem ferè tempore Charissimus quoque  
 in Christo Filius noster Joannes V. Portugalliae & Algar-  
 biorum Rex Illustris similem instantiam apud Nos promo-  
 veri fecisset; ut nempe in omnibus Regnis atque Domi-  
 niis sibi subiectis cuilibet Sacerdoti tam Saeculari, quam Re-  
 gulari facultas per Nos fieret, tres Missas praefato die cele-  
 brandi; Nos quidem hujusmodi petitionum gravitatem

pensantes, ac memores similibus postulationum; quæ aliis  
 Romanis Pontificibus Prædecessoribus nostris parum felici  
 exitu exhibitæ fuerunt; necessarium omnino putavimus  
 totam rei summam maturò examini subicere, quamvis  
 minimè hospites in ea Nos reputare possemus; siquidem  
 olim ipsius momenta pro Officio, quod tunc gerebamus,  
 Secretarii Congregationis S. R. E. Cardinalium Con-  
 cillii Tridentini executioni, & interpretationi præpo-  
 sitæ, diligenter Nobis expendenda fuerunt; cumque  
 etiam hac de re plura scriplerimus in nostro Opere de *Fes-  
 tis Domini* part. 1. pag. 247.; item in *Tractatu de Sacrificio  
 Missæ* Sect. 2. pag. 169. juxta Editionem Patavinam, & in  
 una ex *Institutionibus Pastoralibus* pro nostro Bononiensi  
 Clero Populoque editis; quæ est XXXVI. in Latina ver-  
 sione Romæ impressa pag. 185. & 86., ac demum in nos-  
 tris literis ad Episcopum *Oscensem* datis die XVI. Martii  
 anni MDCCXLVI. quæ jam teorsim typis vulgatæ, in  
*Bullarii nostri* Tom. II. propediem edendo locum habe-  
 bunt. Sanè, quum Nos in minoribus constituti præfata  
 Congregationi Concillii, ut supra diximus, à Secretis  
 essemus, oblatuſque fuisset supplex Libellus, in quo  
 ex parte cl. mem. Philippi V. Hispaniarum Regis id-  
 ipsum studiosissimè petebatur; quod nunc à Ferdinan-  
 do Rege ipsius filio iterum petitur, Officiū nostri esse  
 putavimus instantiam hujusmodi majori cum appara-  
 tu, quemadmodum Catholici Regis dignitas postula-  
 bat, Congregationi repræsentare. Idcirco peculiaris  
 Dissertatio à Nobis elucubrata fuit, quæ inserta est in  
 consueto folio Relationis Causarum, quòd à Secretario  
 confici, & singulis Cardinalibus tradi consuevit. In  
 qua primum Dissertatione rem ipsam accuratissimè pro-  
 viribus exposuimus, nequè omisimus originem inves-  
 tigare illius disciplinæ, quam diximus in Aragoniæ  
 Regno vigere, deinde nonnullas in contrarium indica-  
 vimus resolutiones, quæ aliàs ad hujusmodi postulata  
 prodierant; tum aliam memoravimus petitionem, quæ  
 olim pro Portugalliæ Regnis facta fuerat Prædecessori  
 nostro Clementi PP. IX., ut trinas liceret Missas in die  
 Commemorationis omnium Fidelium Defunctorum ce-

lebrare, de qua tamen ob immaturam Pontificis mortem nihil decretum fuit: quibus omnibus addidimus, quod quum hoc idem ab Hispaniarum quondam Rege Philippo IV. pro omnibus tam Sæcularibus, quam Regularibus Regnorum suorum Sacerdotibus postulatum fuerit, vel saltem postulandum fuisse, non ignoraretur; ideoque plura rationum, factorumvè monumenta pro hujusmodi concessione impetranda collecta tunc fuisse, constaret; Nobis datum non fuerat hujusmodi Collectiones ad causam maximè opportunas reperire, ut videre est in folio pro Congregatione diei II. Maji anni MDCCXXII. à Nobis conscripto, quod nunc in Thesauro Resolutionum præfate Congregationis Concilii Tom. II. pag. 169. & seq. impressum reperitur. Quum autem hoc mem. Ludovicus Cardinalis Belluga Congregationi prædicta die habitæ interfuisset, meminimus, ipsum de nostra Dissertatione favorabiliter loquutum, in nostram quoque sententiam devenisse, ut necessarium putaret, allegationes illas tempore Philippi IV. adornatas inspicere, ipsumque in se recepisse, ut ipsas diligentissimè conqueri curaret. Quapropter Rescriptum prodiit: *Non præposita*; eoque Rescripto factum est, ut Instantia tunc quidem pro æterum circumstantiis minimè admittenda censeretur, non tamen omninò, & perpetuò rejecta; quin potius relictus fuerit locus ulteriori rationum atque factorum examini, si quæ aliquando ad ipsam petitionem magis juvandam deducerentur. Quum itaque nunc ad Nos ipsos in Apostolica Sede inscrutabili Dei judicio collocatos præfate petitiones jamdudum deserta, instantibus præfatis Charissimis in Christo filiis nostris, delata fuerint, omnia, quæ ad plenam rei cognitionem quomodocumque pertinerent, colligi mandavimus, quaque olim desiderata sunt, in lucem proferri. Ut autem nihil sine aliorum prudenti consilio statueremus, peculiarem delectorum Virorum Congregationem ad negotii hujus examen deputavimus; in qua adscriptos voluimus Venerabilem Fratrem nostrum Antonium Xaverium Episcopum Prænestinum S. R. E. Cardinalem *Gentili* nuncupatum

rum prædictæ Congregationis Concilii Præfectum ; Dilectisque Filios nostros ejusdem S. R. E. Cardinales Presbyteros *Sylvium Valenti* Congregationis de Propaganda Fide Præfectum , *Carolum Albertum Calvachini* Præfectum item Congregationis super negotiis , & consultationibus Episcoporum , & Regularium , *Fortunatum Tamburini* Præfectum Congregationis Sacrorum Rituum , & *Joachimum Besozzi* Majorem Pœnitentiarium , ac præterea Venerabilem Fratrem *Sylvestrum Merani* Episcopum Porphyriensem Apostolici Sacraii Præfectum , quem peculiaris hujusce Congregationis Secretarium declaravimus , ac Dilectos Filios Magistrum *Ludovicum Valenti* in utraque Signatura nostra Referendarium , Protonotarium , Apostolicum & Fidei Promotorem , Fratrem *Michaelem à Sancto Joseph* Priorem Generalem Ordinis Discalceatorum Sanctissimæ Trinitatis Redemptionis Captivorum , *Celestinum Orlandi* Procuratorem Generalem Congregationis Monachorum Cælestinorum , *Joannem Andream Onofri* Ordinis Eremitani S. Augustini Procuratorem Generalem , *Thomam Sergium* Presbyterum Congregationis Piorum Operariorum ; Sanctæ Inquisitionis Consultorem ; & Præfectum studiorum in Collegio Urbano de Propaganda Fide , Fratrem *Joachimum Pucci* Ordinis Prædicatorum Magistrum , Episcoporum & Cleri Romani Examinatorem ; *Dominicum Turannum* Societatis Jesu Presbyterum , Apostolicæ Pœnitentiariæ Consultorem Theologum , & *Agidum Gulj* ejusdem Societatis Presbyterum , alterum Examinatorem Episcoporum & Sacrorum Canonum Professore in Collegio Germanico-Hungarico ad Sanctum Apollinarem. His omnibus ; & singulis exhiberi mandavimus quæcumque ad causam pertinebant , eaque potissimum , quæ nuper reperta sunt , sed in præcedentibus propositionibus exhibita non fuerant ; quæ omnia justo volumine comprehensa typis edita sunt Romæ hoc anno MDCCXLVIII. , datoque aliquot Mensium spatio , quo res accuratè perpenderetur , jussimus , ut singuli sententiam suam scripto traditam , ac sigillo obsignatam ad Nos transmitterent ; quæ omnia diligentissime sunt peracta.

De

Denique Nos ipsi aliorum laboribus laborem nostrum privataque studia nostra eorum studiis adiunximus, & inspectis libratisque tum novis documentis, tum ipsorum Consultorum suffragiis (ex quibus quum quatuordecim numero fuerint, duo dumtaxat petitionem rejiciendam esse, reliqui verò duodecim Indultum concedi posse censuerunt) omnibus rite ac mature pensatis, invocato etiam Divini Luminis adjutorio, piis ac religiosis precibus dictorum Charissimorum in Christo Filiorum nostrorum Ferdinandi VI. Hispaniarum Catholici, & Joannis V. Portugalliae, & Algarbiorum Regum Illustrium libenter annuentes, omnibus, & singulis in eorum Regnis atque Dominiis actu commorantibus tam Sæcularibus, quam Regularibus Sacerdotibus nunc existentibus, ac pro tempore futuris, quàm diù in prædictis Regnis atque Dominiis moram traxerint, & non alias, facultatem perpetuo futuris temporibus duraturam concedimus, & impertimur, ut singulis anni die secunda Novembris, seu die sequenti juxta Rubricas Missalis Romani, qua nempe Commemoratio Omnium Fidelium Defunctorum ab Ecclesia Universali recolitur, tres Missas singuli celebrare possint, & valeant, contrariis quibuscumque Constitutionibus, literis, regulis, ritibus, & consuetudinibus minimè obstantibus. Novimus sane inter Scriptores rerum moralium non satis convenire, an Sacerdotibus celebrantibus Missam pro Defunctis juxta prædictas Rubricas in die Commemorationis Omnium Fidelium Defunctorum liceat hujusmodi Missæ fructum medium, quem vocant, alicui peculiari Defuncto applicare, an verò pro omnibus omnino defunctis Fidelibus illum applicare teneantur: utcumque autem se res habeat de hac controversia, Nos eos quidem, quibus in Aragoniæ Regno licitum erat ante hoc nostrum Indultum duas vel tres respectivè Missas prædicta die celebrare, hortamur in Domino, ut earum fructum medium omnibus in Christo quiescentibus applicent; His verò, qui impoterum hujus Indulti vi, aut tertiam in eodem Regno

Missam, aut secundam, & tertiam in aliis Regionibus, ad quas hoc idem Indultum extenditur, celebraturi sunt, districte jubemus atque præcipimus, ut earum fructum medium non quidem alicui peculiari Defuncto, sed in suffragium Omnium Fidelium Defunctorum omnino applicent; expresse declarantes hanc esse nostram mentem, & voluntatem, neque Nos aliàs absque hujusmodi legè, & conditione hoc ipsum Indultum unquam concessuros fuisse. Scimus etiam antiquis justitque titulis innixum esse usum, quo solent Presbyteri Eleemosynam accipere pro celebrandis sive pro applicandis Missis juxta offerentium mentem; qua de re late disseruimus in nostra *Institutione Ecclesiastica LVI.* fusius autem in opere nuperrime vulgato *de Synodo Diocesana* lib. V. cap. 8. & 9. An verò quum retroactis temporibus in Regno Aragoniæ duæ Missæ à Sacerdotibus Sæcularibus, tres autem à Regularibus in die Commemorationis Omnium Fidelium Defunctorum celebrarentur, duplex quoque ab illis seu respectivè triplex Eleemosyna acciperetur, id ignoramus, sed facile credimus id usitatum fuisse; quum ubique fere receptum sit, ut in Solemnitate Nativitatis Domini pro tribus Missis tria recipiantur charitativa stipendia. Ideoque de illis, qui ante hoc tempus in Aragoniæ Regno duas vel tres respectivè Missas prædicta die celebrantes, duas vel tres eleemosynas accipiebant, nihil innovandum censemus. Iis verò, qui impostèrum in eodem Regno tertiam Missam vigore præsentis Indulti celebrabunt, justis de causis ac sub pœnis inferius dicendis districte prohibemus, nè pro ipsa Missa ullam eleemosynam accipere præsumant, sicut etiam iis, qui in aliis locis hoc eodem Indulto comprehensis secundam tertiamque Missam celebrabunt, simili ratione ac sub iisdem pœnis præcipimus atque jubemus, ut nonnisi unam accipiant eleemosynam, videlicet pro prima Missa dumtaxat, & in ea tantum quantitate, quæ à Synodalibus Constitutionibus, seu à loci consuetudine regularitè præfinita fuerit. Decernentes nullam omnino causam,



nullumque prætextum, aut obtentum ad declinandam  
 hujus præcepti nostri observantiam suffragari posse: nè  
 voluntariam quidem Fidelium oblationem; nam nec  
 à sponte dantibus, quidquam recipi posse, statuimus:  
 nec alium quemcumque colorem; quod nempe elemo-  
 fyne detur pro celebratione, non autem pro applica-  
 tione Missæ; aut quod applicatio facienda sit pro om-  
 nibus Fidelibus Defunctis, sive quod offerentes cu-  
 piant ipso dumtaxat oblationis merito Defunctos juva-  
 re; hi enim poterunt per alia pia opera; sive per alias  
 elemofynas in alios quoscumque, quàm in Sacerdo-  
 tem, eique conjunctos erogandas; Defunctorum anima-  
 bus suffragari. Non item gravem indigentiam, aut pau-  
 pertatem Sacerdotis celebrantis, aut Ecclesiæ; aut Cœ-  
 nobii; quibus nimirum aliis quibuscumque rationibus  
 subveniendum erit, nec magnam copiam elemofyna-  
 rum, quæ congestæ fuerint pro Missis celebrandis ipsa  
 die Commemorationis Omnium Fidelium Defunctorum,  
 quibusque aliter satisfieri non possit; quum minime li-  
 ceat elemofynas accipere pro Missis; quæ celebrari  
 nequeunt intra tempus ab offerentibus, aut à legibus  
 præfinitum; neque porro Missarum onera non adim-  
 pleta; pro quibus elemofynæ jam receptæ, aut attri-  
 buti reditus jam percepti fuerint: Nos enim nolumus  
 hujusmodi onera impleri per celebrationem Missarum,  
 quæ Indulto nostro permittuntur; neque demùm legem  
 foundationis jam factæ, aut imposterum faciendæ cum  
 augmento elemofynæ pro secunda, & tertiâ Missâ,  
 quum Nos hujusmodi foundationes sive factas sive fa-  
 ciendas, etiam ex nunc prout ex tunc, & è contra,  
 hac in parte nullas, & irritas esse, & fore, decernamus.  
 In summa volumus, & statuimus, hujusmodi Missas de  
 novo concessas omnibus in communi Fidelium Defunc-  
 torum Animabus, absque ulla prorsus elemofynæ  
 perceptione applicari; contrafacientes autem pœnam  
 suspensionis à Divinis ipso facto incurrere, decernimus,  
 ejusque relaxandæ facultatem Nobis, & Successoribus  
 nostris Romanis Pontificibus expressè reservamus.  
 Hanc verò facultatem communicamus Venerabilibus

Fratribus Archiepiscopis, & Episcopis, sive aliis Loco-  
 rum Ordinariis, ut auctoritate nostra Apostolica, &  
 tamquam Apostolicæ Sedis Delegati, ubi sic expedire  
 prudenter in Domino judicaverint, eadem canonicè  
 utantur erga quoscumque præcepti hujus nostri viola-  
 tores, qui ad ipsos humiliter recursum habuerint, si-  
 vè Sæculares sint, sive Regulares, sive alio quocum-  
 que modo ab eorum jurisdictione exempti, hac tamen  
 apposita lege, ut incursum hujusmodi suspensionem  
 nunquam relaxare valeant, nisi prius elemosynas à de-  
 linquentibus ratione prædictarum Missarum perceptas,  
 ab ipsis re ipsa receperint; quas ipsi Ordinarii in alios  
 pios usus (non tamen in subventionem eorundem Sa-  
 cerdotum, aut personarum ipsis vel sanguine, vel ne-  
 cessitudine junctarum, aut in eorundem Cœnobio-  
 rum, Domorum, & Ecclesiarum utilitatem, quantum-  
 vis ipsi, aut personæ, Cœnobia, Domus, & Ecclesiæ  
 hujusmodi notoria paupertate laborarent) arbitrio suo  
 erogare debebunt. Sciant tamen, quòd facultas hu-  
 jusmodi, quàm ad relaxationem suspensionis eo modo  
 incurse ipsidem delegamus, nequaquam extenditur ad  
 dispensationem ab irregularitate, in quam inciderent,  
 qui post suspensionem, ut præfertur, incursum, in Sa-  
 cro Altari ministrare præsumerent; hujus enim dispen-  
 sationis concedendæ facultatem Nobis, & Successoribus  
 nostris Romanis Pontificibus privativè, & perpetuò re-  
 servamus. Ad hunc igitur solum, & unicum finem, ut in  
 die Commemorationis Omnium Fidelium Defunctorum,  
 multiplicatis Ecclesiæ Militantis suffragiis, & piorum  
 Animæ in Purgatorio detentæ sublevantur, omnibus  
 tam è Sæculari, quam è Regulari Clero Sacerdotibus  
 in Regnis, atque Dominiis duorum prædictorum Re-  
 gum Ditioni subjectis, nunc, & imposterum pro tem-  
 pore existentibus concedimus, & indulgemus, ut præ-  
 dicta die tres Missas singuli celebrare possint, & va-  
 leant. In quo sicuti prædictorum Consultorum concor-  
 dibus ferè tententis, consiliisque adhæsimus, ita à piæ  
 Matris Ecclesiæ spiritu nequaquam discessisse, Nos ar-  
 bitra-

bitramur. Siquidem animadvertimus minime alienam fuisse Ecclesiam à permittenda Sacerdotibus Missarum iteratione in unico die, ubi de juvandis Defunctorum animabus ageretur; & quidem, etiam postquam desierat vetus illa disciplina, de qua infra sermo erit, qua scilicet Sacerdotibus licebat pluries in die rem Divinam peragere, ac post latam legem de unica tantum Missa, præter quam in die Natalis Domini, ab unoquoque Sacerdote celebranda. Nova hæc disciplina à Prædecessoribus nostris Innocentio III. & Honorio III. Romanis Pontificibus stabilita fuit, quorum hæc de re leges extant in libris Decretalium Tit. *De celebratione Missarum*; Innocentii quidem in Cap. *Consulisti*; Honorii verò in Cap. *Te referente*; Quum autem Innocentius in citato Capitulo hæc verba posuisset: *Excepto die Nativitatis Dominice, nisi causa necessitatis suadeat*; non solum Glossa Canonica eidem Capitulo apposita hujusmodi necessitatis causam tunc fore dicit, quum celebranda sit Missa pro aliquo recens defuncto, ibi: *Sed quum dicit necessitatem*; Respondeo: *Si celebravit de die, & postea etiam moriatur aliquis*; Verum etiam in Synodo Oxoniensi post ipsius Innocentii obitum sedente jam Honorio III. celebrata, Decretum videmus, ut si Defuncti corpus Ecclesiastica Sepultura mandandum existat, Sacerdos duas Missas eodem die celebret, unam de Officio diei, aliam pro Defunctis, ut videre est in collectione Conciliorum Angliæ, Londini edita anno MDCCXXXVII. Tom. I. pag. 386. num. 7. Idque etiam distinctius in aliis Conciliis traditum invenitur, à quibus præscriptum est, ut Sacerdos in prima Missa purificationem non fumat, ut que tunc solum secunda Missa pro Defunctis ab eodem Sacerdote celebretur, quando Cadaveris presentia occurrat die Dominico, seu alio die festo, nec alius adsit Sacerdos, qui hujusmodi secundam Missam celebrare possit; quemadmodum habetur in Constitutionibus Sordorensibus anno MCCXCI. conditis Cap. 36. in eadem Anglicana Collectione Tom. II. pag. 179. itidemque in Concilio Rotomagensi habito anno MCCXXXI. num. 14.

in collectione Harduini Tom. VII. pag. 186. & seqq. Quae de re Nos ipsi olim egimus in nostra Institutione Ecclesiastica XXXVI. pag. 186. Nequè verò hæc in præsentem à Nobis commemorantur, quasi nunc etiam, præsentem Cadavere, duæ Missæ ab eodem Sacerdote celebrari possint, quum juxta hodiernam disciplinam liceat Presbytero, relicta Missa de die, Missam pro Defuncto, si præsens sit Corpus, cum cantu celebrare, nisi tanta fuerit diei solemnitas, quæ Missam pro Defunctis omnimodè excludat. Sed ideò hæc dicta sunt, ut appareat, quàm propensa fuerit Ecclesia ad permittendam Missarum iterationem, quantumvis generaliter interdictam, ubi de procurandis Fidelium Defunctorum suffragiis ageretur. Quo nempe spiritu Nos etiam adducti, Missarum Sacrificia in die Commemorationis Omnium Fidelium Defunctorum à singulis prædictorum Regnorum atque Ditionum Sacerdotibus ter celebrari posse, concessimus. Sed duæ aliæ præterea causæ, eaque satis graves ad id concedendum Nos impulerunt. Prima est, quòd quum antiquissima sit in Regno Aragoniæ consuetudo, ut prædicta die tres Missæ à Sacerdotibus Regularibus, duæque à Sæcularibus celebrentur, eaque non modò nunquam reprobata fuerit; sed etiam à Prædecessore nostro Julio III. aut Paulo III. vivæ vocis oraculo confirmata asseratur (ut jam olim adnotavimus in folio pro Congregatione Concilii à Nobis, ut supra diximus, exarato) utpotè quæ nec Divino, nec naturali juri contraria, sed solum à jure communi Ecclesiastico vetita dignoscitur; cumque constet, eandem consuetudinem non solum in Regno Aragoniæ proprie dicto, atque in alio Valentia, & in Comitatu Catalonia, sed etiam in Regno Majoricæ longius disito, tamquam ipsius Aragoniæ Regni appendice viguisse, & vigere, utique nec novam omninò rem, nec in exemplum alibi trahendam Nos fecisse censemus, dum hujusmodi consuetudinem, sive ritum auctoritate nostra extendimus ad alia Regna, & Dominia eidem Hispaniarum Regi subjecta, atque insuper ad ea, quæ alteri quidem Prin-

Principi, nimirum Lusitaniæ Regi parent, sed magna ex parte finitima, & proxima sunt prædictis Hispanici Regis Ditionibus. Regula quippè canonica est, ut in regionibus conterminis, atque inter se proximis Rituum ac Disciplina uniformitas statuatur atque servetur. Unde etiam Prædecessor noster Sanctus Siricius Pontifex Maximus, quum ad Himerium Episcopum Tarraconensem scripsisset de variis Ecclesiasticæ disciplinae capitibus, de quibus ille Sanctum Damasum ipsius Decessorem consuluerat, eidem mandavit, ut Apostolica Rescripta non solum cum Provincialibus suis communicare, sed ea etiam transmitteret ad *Carthaginienses ac Bæticos, Lusitanos atque Gallæcos.* Alteram verò causam eamque plurimi apud Nos momenti cum magno paterni animi nostri gaudio Nobis suppeditavit enixum studium duorum Charissimorum in Christo Filiorum Nostrorum Hispaniæ, & Lusitaniæ Regum tantis in Ecclesiam promeritis illustrium, qui unico, & sincero devotionis instinctu acti, nec retardati ob parum felicem exitum similium petitionum, quas à Prædecessoribus suis propositas fuisse noverant, istorum pietatis hæredes erga Fidelium animas purgatorio igne cruciatas sese professi sunt auctoresque se præstiterunt, ut in eorum levamen, recurrente quotannis generali Fidelium Defunctorum Commemoratione, in suis respectivè Regnis atque Dominiis suffragia multiplicarentur. Quapropter Magni Prædecessoris Nostri S. Gregorii Papæ verba, quæ is ad Brunichildem Francorum Reginam conscripsit (Epist. 50. lib. VI. ipsius Operum Tom. II. pag. 258.) jure ac merito ad prædictos Reges transferre Nos posse censuimus: *Epistolarum vestrarum series, quæ Religiosum animum, & pia mentis studium continebat, non solum voluntatis vestræ fecit Nos laudare propositum, sed etiam libenter invitavit postulata concedere.* Tum etiam ea, quæ alter rec. mem. Prædecessor noster Innocentius PP. III. ad Regem Castellæ scripsit (Epist. 154. lib. 14.) *Cum Personam tuam inter Catholicos Reges speciali diligamus in Domino charitate, in*  
his

*his; quæ secundum Deum requiris à Nobis favorem Tibi Apostolicum libenti animo impertimur: atque alia; quæ idem (Epist. 24. lib. 15.) scripsit ad Regem Lusitaniæ: Æquum est autem; ut quos ad Populi regimen; & salutem dispensatio celestis eligit; Apostolica Sedes sincero prosequatur affectu; & injustis postulationibus studeat efficaciter exaudire: Eadem sanè præsentium Hispaniæ ac Portugalliæ Regum pietati ac dignitati mirum in modum congruere videntur. Quorum præterea consimiles postulationes hac de re Nobis exhibitas; & parem pro Religione zelum eximiumque Christianæ Fidei in remotissimis etiam Regionibus propagandæ studium perspicuis argumentis Nobis assidue comprobatum; dum lati suspicimus; hæc etiam utrisque simul aptanda censemus, quæ noster quoque Prædecessor Sanctus Leo Magnus ad Theodosium Augustum scribebat Epist. 21. ipsius Operum Tom. 1. pag. 238. *Quantum præsidii Dominus Ecclesie sue in fide vestræ clementiæ præparavit; his etiam literis; quas ad me misistis; ostenditur; ut Vobis non solum Regium; sed etiam Sacerdotalem animum inesse gaudeamus. Siquidem præter Imperiales; & publicas curas; piissimam sollicitudinem Christianæ Religionis habetis. Quamvis verò antehac in Regno Aragoniæ Sacerdotibus Regularibus prædicta die tres Missas celebrantibus; Sæculares Presbyteri duas tantum celebrarent; Nos tamen æquum judicavimus hos illis per omnia exæquare; ut esset inter ipsos ritus uniformitas; quæ res in causâ fuit; ut in Ecclesia Catholica aliæ quoque diversitates sublatæ fuerint; quantumvis tollerabiliores videri possent. Ita quum in Galliis; regnante Carolo Magno inductus fuisset una cum Ordine Romano ritus celebrandi tres Missas in die Natali Domini nostri Jesu Christi; quum antea duæ tantum celebrari solebant; novum hunc ritum soli primum Episcopi adoptarunt; ac sibi suæque Dignitati proprium fecerunt; sed postea ad evitandam difformitatem hujusmodi facultas ad omnes inferiores quoque ordinis Sacerdotes extensa fuit; quemadmodum à Nobis demonstratum est in Tractatu de Festis Domini part. 1. pag. 248.**

Applicationem autem Missarum hoc nostro Indulto concessarum, tertia nimirum à Sacerdotibus Sæcularibus in Regno Aragoniæ, secundæ verò ac tertiæ ab omnibus existentibus in aliis Regionibus hoc Decreto comprehensis iussimus fieri, non quidem pro aliquo peculiari Defuncto, sed pro omnibus Fidelibus Defunctis in genere, tum quia id magis consentaneum visum est piæ ac religiosæ menti duorum Regum hujusmodi Indultum expetentium; tum quia Ecclesiæ spiritus id maxime postulabat; siquidem constat generalem Commemorationem omnium Fidelium Defunctorum secundæ diei mensis Novembris affixam jam usque à Sæculo nono ab Amalario Fortunato propositam, vertentem autem Sæculo undecimo à Beato Odilone Abbate pro omnibus Monasteriis sibi subjectis receptam, atque ab his demùm, Predecessoris nostri Joannis PP. XIX. auctoritate ad universam Ecclesiam propagatam fuisse, ea potissimum de causa, ut post celebratam præcedenti die Festivitatem in honorem Sanctorum omnium cum Christo regnantium, omnium quoque Justorum animæ in Purgatorio detentæ, pac caelestis gloriæ confortium expectantes, generalibus Ecclesiæ suffragiis adjuventur. De hac re latius disserimus in Opere, quod scripsimus in octava nonnullorum Sanctorum, quorum Officia celebrantur in nostra Bononiensi Civitate ac Diocesi in *Editione Patavina* Cap. 22. unde satis patet, quam iusta de causa prædictas Missas non aliquibus peculiaribus Defunctis, sed omnibus in communi Fidelibus in Christo dormientibus applicandas esse voluerimus. Quam verò Nobis semper cordi fuerit, ut juxta Sacrorum Canonum præscriptum in celebratione Sacrosancti Missæ Sacrificii omnem avaritiæ speciem, omnemque fordidi captandi lucri prætextum longissimè arceremus; satis compertum esse putamus ex his, quæ tum in Archiepiscopatus Bononiensis, tum in Supremi Pontificatus administratione in hunc finem præstitimus. Etenim inter pastorales Institutiones nostras, præter *quingagesimam sextam*, in qua plures hac de re Ecclesiasticæ Disciplinæ regulas demonstravimus, &

omnia

omninò observari præcepimus, adest etiam *nonagesima secunda*, in qua Sanctissimis Apostolicæ hujus Sedis Decretis inhærentes, pravam quandam damnâvimus consuetudinem, qua contendebant nonnulli, licitum esse Missas ita celebrare, ut earum fructum medium in antecessum applicarent pro iis, qui postea eleemosynam offerendo illius applicationem expeterent. Inter nostras verò Apostolicas Constitutiones in *Bullarii nostri* Tomo I. impressas extant *vigesima secunda*, & *vigesima tertia*, quibus severissimè vetitum per Nos est, nè eleemosynæ pro Missarum celebratione colligantur in iis locis, in quibus major est earum Taxa Synodalis, ut deinde Missæ alibi celebrandæ committantur, ubi hujusmodi Taxa in minori quantitate statuta est. In novissimo autem Tractatu nostro *de Synodo Diocesana* lib. 5. cap. 8. num. 9. & 10. alia complura ad hanc rem pertinentia studiosè collegimus. Ab hoc itaque tramite neutiquam recedendum Nobis esse judicantes, decrevimus supra, atque statuimus, ut pro celebratione, aut applicatione Missarum hoc nostro Indulto concessarum, nullum prorsus stipendium quocumque prætextu, aut colore accipi valeat, quòd ut à Nobis in præsentis casu decerneretur, specialis quædam, & urgens ratio Nos impulit præter generales hæc, quas paulò ante indicavimus. Pertinet enim omnibus in Ecclesiastica Historia paulum modo vertatis plures olim fuisse diès polylyurgicos, quibus nimirum singuli Sacerdotes plusquam semel Missarum sacrificia peragebant; ut erat, præter Natalem Domini, prima diès mensis Januarii, Feria V. in Cœna Domini, Vigilia Ascensionis, tres diès Jejunii infra Octavam Pentecostes, aliique diès festi nonnullorum Sanctorum memoriæ dicati, ut Nativitas S. Joannis Baptistæ, & Natalitium SS. Apostolorum Petri, & Pauli, de quibus Nos ipsi monumenta protulimus in Opere *de Festis Domini Nostri Jesu Christi* part. 1. pag. 247. Ut autem hujusmodi consuetudo generalitèr tolleretur, & facultas celebrandi plures Missas unò die, ad solum diem Natalis Domini coarctaretur, non alia de causa factum est, quàm ut avaritiæ, & sordidissimò



dis quæstibus adimeretur occasio, vel saltem oblocutionibus silentium imponeretur; quæ scilicet ex Eleemosynis pro Missarum numero multiplicatis aut ortum habuerant, aut ortum posse videbantur. Hunc esse proprium sententiam Canonis *Sufficit de Consecrat. dist. 1.* jam demonstratum per Nos est in literis ad Venerabilem Fratrem Episcopum Osnensem datis §. *Excepta & sequentibus.* Ideo autem scripta nostra in hoc Decreto frequenter in medium protulimus, nè quæ jam alibi à nobis dicta sunt, hic denuò explicare, & quæ alibi demonstravimus, iterum rationibus comprobare cogeremur. Id verò, quòd supra posuimus, à duobus præterea Scriptoribus in Ecclesiasticis rebus apprime versatis asseritur. Eorum alter est Thomassinus in Opere de *veteri & nova Ecclesie Disciplina* part. 3. lib. 1. cap. 74. num. 6. ubi post allatam Constitutionem Odonis Episcopi Parisiensis, videlicet: *Nullus bis in die Missam audeat celebrare, aut cum duplici Introitu, nisi in magna necessitate: hæc subdit: Cum pecunia tunc ut plurimum ad Missam offerretur, hinc avaritiæ species, vel suspicio quedam iterationi Missarum affricabatur: Alter est Vicecomes in Tractatu de antiquis Missæ Ritibus lib. 3. cap. 28. circa fin. ubi postquam antiquam exposuit disciplinam, qua permittebatur Sacerdoti plures Missas in die celebrare, de ipsius disciplinæ mutatione sic ait: Abrogationis autem causam, quantum equidem divinare possum, dedere Nundinatores quidam, qui majoris pietatis materiam ad turpe lucrum detorquere non sunt veriti, & fecerunt, ut libertas prisca saltem hisce regionibus erepta sit, ac desierit. Si igitur multiplicitas Missarum, quæ Sacerdotibus olim pluribus per annum diebus permittebatur, ideò sublata fuit, ut avaritiæ quæstibus, aut obloquentium suspicionibus obviam iretur, jure ac merito Nos Indultum hoc nostrum, quo Sacerdotibus in præfatis Regnis atque Dominis commorantibus tres Missas in die Commemorationis omnium Fidelium Defunctorum celebrare permisimus, hujusmodi expressa legè atque districta Sanctione communitè debuimus, ut nè quis eorum pro Missis de novo concessis, ullum stipendii genus, quacumque de causa & quolibet prætextu, aut*

colo.

colore, recipere posset. His accedit, quod cum petitiones inspexerimus ab aliquibus peculiaribus Episcopis Apostolicæ Sedi olim oblatas pro concessione celebrationis duarum, aut trium Missarum in die Commemorationis omnium Fidelium Defunctorum; simulque contraria expenderimus Rescripta tunc respectivè emanata; agnovimus prædictas petitiones huic potissimum rationi innixas fuisse, quod scilicet tanta esset eleemosynarum copia, quæ ea die pro Missarum celebratione à piis Fidelibus offerebantur, ut aliter illis satisfieri non posse assererent, quam si facultas indulgeretur Sacerdotibus, ut plures Missas ea ipsa die celebrare possent: contra verò in rejiciendis iisdem petitionibus id maxime spectatum fuisse agnovimus, nè per hujusmodi concessiones Ordo Sacerdotalis apud detractores in aviditatis suspensionem, & infamiam adduceretur. Quæ etiã de cauta Nos hanc concessionem nostram, prædicta lege adjuncta, suspensionibus hujusmodi nullum locum præbere posse voluimus. Hæc sunt, quæ concedenda esse judicavimus, quæque de præmissorum consilio, & Apostolica auctoritate nostra concessimus; atque hæc sunt, quæ in hujusmodi Indulti concessione præ oculis habuimus, quæque omnia exponenda duximus præsentis Decreto, quod à Nobis conditum manu nostra superscripsimus hac die XXI. Augusti anni MDCCXLVIII. anniversaria Coronationis nostræ; ineunte Pontificatus nostri anno Nono. *Benedictus PP. XIV.* Porro præinsertum nostrum Decretum, atque in eo omnia & singula contenta ac præscripta, quò firmiter subsistant, & serventur exactius, atque etiã quatenus opus sit, auctoritate nostra Apostolica tenore præsentium confirmamus, & approbamus, illique, & omnibus ac singulis contentis, & præscriptis Apostolicæ firmitatis robur adjicimus, atque ita, ut præmittitur, omnino servari mandamus. Decernentes easdem præsentis literas firmas validas & efficaces existere, & fore, suasque plenarios & integros effectus sortiri & obtinere, ac illis, ad quos spectat & spectabit in futurum, plenissimè suffragari, & ab eis respectivè sub irro-

gatis pœnis, & censuris inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane, si secus super his à quoquam quavis auctoritate scienter vel ignoranter contigerit attentari. Non obstantibus Constitutionibus, & Ordinationibus Apostolicis, cæterisque contrariis quibuscumque. Volumus autem, ut præsentium literarum transumptis seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides in judicio, & extra adhibeatur, quæ adhiberetur iisdem præsentibus, si forent exhibitæ vel ostensæ. Datum Romæ apud Sanctam Mariam Majorem sub annulo Piscatoris die XXVI. Augusti MDCCLXVIII. Pontificatus Nostri Anno Nono.

*Cajetanus Amatus.*

*A Nro. mui Sto. Padre  
Benedicto PP. XIV.  
Monf. Clemente.*

B.<sup>mo</sup> Padre

**A**L tiempo de presentarse à los Pies de V. Santidad Monf.<sup>r</sup> Clemente dandole lasmas humildes, y rendidas gracias por su Decreto de 21. del passado, en que sobre los mas solidos principios de prudencia, y equidad se hà servido, con el lleno de la mayor erudicion, extender la concession, para que todos los Sacerdotes, asì Seculares, como Regulares de los Dominios de España, puedan celebrar tres Missas el dia de la general Commemoracion de todos los Fieles Difuntos, se atreve à representar nuevamente à V. Santidad, que siendo el exprellado dia uno de los cortos del año, y en que necessariamente deben dilatarse los Ofi-  
cios

cios Eclesiasticos, de lo que puede originarse, ò que los Sacerdotes se apresuren en la celebracion de las Missas, ò que anticipen el tiempo debido, fundados en algunas laxas opiniones. Por tanto suplica à V. Santidad se digne conceder, que todos los Sacerdotes, así Seculares, como Regulares, à quienes alcanza la gracia, è Indulto de V. Santidad, puedan licita, y validamente celebrar las expressadas tres Missas dos horas despues del medio dia. Que de la gracia, &c.

*In ipsa Libelli supplicis fronte rescriptum.*

Ex Audientia Sanctissimi die 3. Septembris 1748.

Sanctissimus benignè annuit pro Gratia facultatis celebrandi tres Missas die Commemorationis Omnium Fidelium Defunctorum usque ad duas horas post Meridiem, cum Derogationibus necessariis, & opportunis -- Joseph Liuzzani, Secretarius -- In Registro .....

*Concuerta con el Traslado de la Buta, que de orden del Serenissimo Señor Infante Cardenal Arzobispo, mi Señor, se remitió para publicarla en este su Arzobispado al Ilustrissimo Señor Co-Administrador, de que doi fee.*

*Doct. Miguel Joseph de Cosío.*

R. mo S. no

**A**l tiempo de presentarse a las Ptas. de V. Santidad el presente Memorial, como se ve en el Memorial, se suplico a V. Santidad se digne conceder, que todos los Sacerdotes, así Seculares, como Regulares, a quienes alcanza la gracia, è Indulto de V. Santidad, puedan licita, y validamente celebrar las expressadas tres Missas dos horas despues del medio dia. Que de la gracia, &c.